



Sanaartornermut Ataatsimiititaliaq
Ataatsimiititaliap allattaa Maja Normann Sandgreen
majans@ina.ala.gl
inatsisartut@inatsisartut.gl

**Sanaartornermut Ataatsimiititaliap imm. 108 pillugu allakkatigut
apeqquteqaataanut akissut**

26-05-2023
Sagsnr.:2023 - 6526
ID. nr. 87218368

Asasara Kristian

Sanaartornermut Ataatsimiititaliamiit UPA23-mi imm. 108-p ataatsimiititaliaata
suliarineqarnissaanut atugassatut apeqquteqaatissinnut qujanaq. Ajoraluartumik
apeqquteqaat ullulerneqanngilaq, kisiannili Naalakkersuisoqarfimmiit 26. maaji 2023-mi
tiguneqarput.

Postboks 909
3900 Nuuk
Tlf.: (+299) 34 50 00
E-mail:
box909@nanoq.gl
www.naalakkersuisut.gl

**Apeqqu 1: Naalakkersuisut pilersaaruteqarnerlutik aqqusinniornerup
aningaasaliiffiqineqarnissaanut aningaasaleeqataasinnaasunik ujarlernissamik?**

Akissut: Aqquserniorneq maannamut kommunip aamma Naalakkersuisut akornanni
suleqatigiittoqarneratigut suliarineqarmat eqqaamassallugu pingaaruteqarpoq.
Naalakkersuisuniit aningaasaliisinnaasut aningaasalersuinissamullu periarfissat allat
ammaffiqineqarput, tamannalu aqqusinerlut inatsisip nutaap suliarineqarneranut
ilaatinnissaa iluaqutaasinnaavoq.

**Apeqqu 2: Kangerlussuaq mittarfeqarfissuurtut atorunnaarpat, suut
periarfissaappat Kangerlussuarmi atorineqartarnissaannut?**

Akissut: Air Greenlandip Imarpik qulaallugu angallannerup pingaarnerup Nuummut
nuunneqarnissaa nalunaarutigisimammagu ilumoorpoq. Siunissami minnerpaamik
Kangerlussuup Kalaallit Nunaanni illoqarfiit nunaqarfiillu allat ingerlatsinerup
assinganik ingerlanneqarnissaa qulakkeerqarpoq. Suliniuteqartunik
namminersortunik, Imarpik qulaallugu angallannermi Kangerlussuaq
atuerusussinnaaneranik takkuttoqarpat, tamanna aamma isumagineqarsinnaasoq
Mittarfeqarfinniit Naalakkersuisunut akissutigineqarpoq.

Tamatuma saniatigut mittarfik danskit aamma amerikamiut illersornissaqarfiinit,
aammalu timmisartunut attartukkanut ilisimatusartunullu minnerpaamik 2.500
meterimik mittarfeqarluni atorineqannartussaavoq. Tamatuma saniatigut aamma
droninut misileraaviliornissamut soqutiginnittunik suleqateqarneq aallartinneqarpoq.

Apeqquut 3: Inersuarmit oqallinnermi Inatsisartuni ilaasortat ilaanniit oqaatigineqarpoq Kangerlussuaq mittarfissuurtut atorunnaarpat, atoqqinneqarnianngitsoq. Ilumoorpa?

Akissut: Naalakkersuisuniit Kangerlussuup Imapik qulaallugu mittarfittut atorunnaarnissaa suliniutigineqanngilaq. Naalakkersuisut ilaatigut Illersornissaqarfiup Kangerlussuarmiiginnarnissaa pillugu danskit naalakkersuisuinut sinaakktissamik isumaqatigiissuorput. Isumaqatigiissut taanna Kangerlussuarmut Kangerlussuarmiillu angallannerusoqarnissaanut tunngaviussaaq. Taamatullu aamma siusinnerusukkut oqaatigaara, Kangerlussuup Imapik qulaallugu angallannermut atorneqaannarnissaa kissaatigalugu.

Apeqquut 4: Sakkutooqarfimmiit oqaatigiumaneqanngilaq Kangerlussuaq atorneqarsinnaanersoq. Qanoq Naalakkersuisut tassunga isumaqarpat?

Akissut: Naalakkersuisuniit matumani mittarfiliornissamik suliniummi inatsit, 2018-imi Inatsisartunit akuerineqartoq, 2019-imi Naalakkersuisut Naalagaaffillu akornanni isumaqatigiissut tunngaviusoq aamma 2023-mi sinaakktissatut isumaqatigiissut kingulleq innersuussutigineqassapput. Naalakkersuisut Naalagaaffillu inatsit isumaqatigiissutaasullu malillugit sulipput.

Neriuppunga matuma siuliani ataatsimiititaliap apeqquutai akineqartut, taamatullu ataatsimiititaliap isumaliutissiisusiornissaanut qilanaarpunga.

Inussiarnersumik inuulluaqqusillunga


Erik Jensen